



Universitätsbibliothek Paderborn

**Ein vnderthenig/ bitlich vnd flehelic schreiben/ so ein
Erwirdig Thumbcapittel dem hochwirdigsten
Ertzbischoffen vnd Churfürsten zu Cölln/ [et]c. in zeit der
Jnsinuation des Kayserlichen decrets ...**

Erzdiözese Köln

[Köln], [1546]

[Text]

urn:nbn:de:hbz:466:1-35133

Hochwürdigster Churfürst/gnedigster herz/
E.Churf.S. seind vnser demütig gebet gegen Got/vnd
vnderthenige dienste in aller gebür züvor / E. Churf.
S.wissen sich gnediglich vnd wol zuerinneren/ wie offte
vnd vilmahls wir E. Churf.S.Thumbcapittel/ als die
negste glidder/vnser beider seits verwantnuß nach/ des
gleichen wir E.Churf.S.Cleresey / vnd darzu wir Re-
ctor vnd Vniuersitet der hohen Scholen dieser heiliger
Stat Cöln/ dieselb E.Churf.S.dienstligsts / vnderthe-
nigsts/demütigsts/ fleheligsts vñ enpfigsts fleiß ersücht
vnd gebetten haben/das sie die onleidliche neuwerungen
dere einfürung der Schismaticischen abcrünnigen predi-
canten/vnd irs on vns vnd ire Suffraganien vorgezo-
menen vngbürlichen bedencens des genanten Refor-
mirens/widder der Biblischer schrifft/der general Con-
cili / vnd der heiliger Canones ordnung / durch die Ca-
tholische kirch angenommen vnd gesetzt/ desgleiche wi-
der Päbstlicher heiligkeit vnd Key. Maiestat satzüg vnd
Edicten / vnd des heiligen Reichs Abscheide / durch E.
Ch.S. hiebeuor bewilligt/ auch vnser notwendige Ap-
pellation/vnnd daruff erlangte Päbstliche vnnd Keyf.
Mandata/ gepot vnd verpots briue vorgenommen/gne-
diglich abschaffen / vnnd in diesen aller höchsten sachen
des Entscheids des general Concilij / oder gebürlicher
vnd einhelliger vergleichung Keyf. May.mit allē Sten-
den des heiligen Römischen Reichs erwarten wülten/
darmit wir vmb abschaffung sölicher vns onleidlicher
beschwerungen / die bemelte beide höchste Oberkeiten/
die Päbstliche heiligkeit/vnnd die Keyf. May. nit ferrer
der noturfft nach ansüchē vnd bemühen dörfte / Dweil
aber E.Ch.S. vß bösen rache etlicher weiniger/die vnser
aller/so E.Churf.S.glidder sein/vnd on die E.Churf.
S. zu diesem Standt nit kommen ist / eneliche vßrut-
tung irs meisten fleiß / wie wirs verstehen / embfiglich
suchen

süchen vnd treiben / alle vnser billiche vnd flehliche
vnderthenige ersüchung abgeschlagen / vnd daneben wi-
der vns villerlei Landtage vermeintlich gehalten / So
haben zulest die Römische Keyf. May. als die höchste
welliche gewalt der Christenheit von Gott verordnet /
iren Keyf. erkentniß vnd declaration vber diese E. Ch.
S. vorgenomene ungebürliche neuwerungen eroffnet /
vnd darin E. Churf. S. vnd allen Stenden vnd inge-
sessen diß Ertzstifts gepotten / wie sie auß derselbiger
Keyf. May. briue glaubwürdigen Transsumpt weither
vernennen werde / Welche erkentniß vnd declaration
wir doch (weiß Gott) vil lieber / hette es sunst on verle-
tzung der Catholischer Religion mit ichten gesein mö-
gen / verhüt gesehen hetten / Dweil aber die dinge dahin
kommen / vnd E. Churf. S. nū mehe sehen / was densel-
bigen vnd iren schuldigen vnd vnschuldigen vnderthanē
h. ruff stehet / vnd h. ruff / wo sie iren von Gott verordneten
geystlichen vnd wellichen höchsten Oberkeiten sich len-
ger widdersetzen vnd widderstreben / erfolgen mag / So
ersüchen wir alle sambelich vnd sonderlich nochmals E.
Ch. S. vß Christlicher liebe / vnd vß vndertheniger zu-
neigung zu E. Churf. S. person / vndertheniglich vnd
demütiglich lauter vmb Gottes vnd seins eingeborē Sons
Jesu Christi willen / des fridmachers alles / was in him-
mel vnd erden ist / bittende / sie wöllen diese höchste sa-
chen mitliglicher vnd gnediglicher / dann bißher besche-
hen / zu hertzen führen vnd bedencken / vnd nū einmall
das thun / das sie sonderlich nach beschehenen gebürliche
erkentniß vnd declaration der Keyf. May. zuthun ver-
pflicht sein / damit sie nit allein in selbst / sonder auch irs
Stifts / Stenden vnd lieben vnderthanen (die es zum
mehrten theil nit verdient haben) nit einen vnwidder-
bringlichen schaden / nachtheil vnd verderben verursa-
chen vnd zufügen / damit sie auch ir alter in Christlicher
eynig-

eynigkeit / vnd mit mehrer freude vnd zuneigung irer
von Gott vnd der Gberkeit befolhener vnderthane in der
genaden Gottes vnd eynigkeit vnser aller mütter der
Christlicher vnd Catholischer kirchen beschliessen mö-
gen / Des wollen wir vns zu E. Churf. S. in ansehung /
gestalt vnd gelegenheit der sachen gantzlich vnd unab-
schleglich vertrusten / Vnd werden E. Churf. S. daran
Gott Allmechtig den allerhöchsten dienst thun / den sie
vmben thun können / vnd auß vngheorsam / gehorsam /
vnd vß verderblichen onfridden / den heilsamen fridden
machen / Das günne E. Churf. S. vnser aller heylande
Christus Jesus in ewigkeit benedeiet / Amen. Datum
vnder vnser des Thumcapittels vnd der kirchen zu S.
Sereon / vnd der Vniuersiteten Colln Ingesiegel / am
x. tag Februarij / Anno rc. M. D. xlvj.

Reuerendissimæ P. V.

deuoti

Subdecanus & Capitulum,
Vniuersalisq; Clerus & Re-
ctor & Vniuersitas genera-
lis studij ciuitatis Colonis-
ensis.

Guch damit E. Ch. S. sehen / das wir vns aller erbar-
keit vnd billicheit vff die werbung Gmphalij / von wegen
der Stende beschehē / expotten / vnd aber vns widder den
gnanten Abscheide zu Bonn der noturfft nach bezeugt /
haben wir diesem vnserm Notario befolhen E. Ch. S.
vnserer antwort vff bemelte werbung vnd
Instruction zuuerkündigen.

Handwritten text, likely bleed-through from the reverse side of the page. The text is mirrored and difficult to decipher.

Handwritten text, possibly a signature or a specific heading.

Handwritten text, possibly a list or a set of instructions.

Handwritten text, likely bleed-through from the reverse side of the page. The text is mirrored and difficult to decipher.